



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 57. Benedicti XIII. Papæ gesta in Pontificatu.

---

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

deferendo contra Josephum Ciantem Sæc. XVIII.  
 Marforum Episcopum IV. Synodum A C 730.  
 Diæcesanam Sypontinam. Tomis II.  
 V. Synodum Provinciale Sypontinam  
 Anni 1567. a Card. Gallio habitam  
 VI. Epistolam pacificam ad populum  
 & Clerum Beneventanum VII. Sermo-  
 nes Marianos VIII. Synodicon Diæce-  
 sanum Beneventanæ Ecclesiæ conti-  
 nens 33. Synodos ante Pontificatum  
 Romanum celebratas. IX. Lectiones  
 in Exodum Vol. II. X. Conciones Qua-  
 dragesimales. XI. Synodicon Provin-  
 ciale Beneventanum notis illustratum.  
 XII. Synodum Provinciale Beneven-  
 tanam XIII. sexaginta sermones de  
 purgatione animarum corpore soluta-  
 rum XIV. Concilium Provinciale Ro-  
 manum.

§. LVII.

*Benedicti XIII. P. gesta in Pon-  
 tificatu.*

**B**enedictus erat Pontifex, in cujus  
 laudibus adornandis Scriptores con-  
 sentiunt omnes, & nullus, ne ipsa qui-  
 dem invidia, quid in eo carperet, huc-  
 usque invenit. Pontificatum iniit,  
 gessit atque absolvit, laude tam incor-  
 rupta, ut cum sanctissimis, ac celebra-  
 rimis quibusque Prædecessorum in com-  
 para-

Sæc. XVIII. parationem venerit, plurimisque ma-  
 A. C. 1730. ritorum copia præcelluerit. Enituit  
 omnium plane virtutum præstantia,  
 præsertim humilitate, qua sui generis  
 dignitatisque velut oblitus ad vilissimam  
 quæque obsequia, si Deo grata, &  
 proximo utilia agnovit, sese demitte-  
 ret; unde accidit, ut mendicis fre-  
 quentissime pedes lavaret, eis ipsius  
 ad mensam inserviret, & ægrorum lectos  
 in Nosocomiis componeret, eorumque  
 tam spirituali quam corporali necessitati  
 providus, humilisque Pater prospice-  
 ret. Erat etiam speciale in Benedicti  
 dignumque memoratu humilitatis spe-  
 cimen, quod, dum in Basilica Vati-  
 cana Sacrum solemne peregit, nunquam  
 relicta Ara, thronum suum conscendit,  
 ibidem Sacram Synaxim sumpturus.  
 Tanta in eo erat erga Numen Eucle-  
 risticum religio, ut consuetudini a do-  
 ctissimis juxta ac sanctissimis Prædece-  
 soribus suis observatæ potius derogare-  
 dum, quam in externa etiam animi  
 demissione deficiendum censeret: Enim  
 vero perantiquus Romæ mos vigeat,  
 ut Pontifex, si solemni ritu in hac Ba-  
 silica Sacris operaretur, Sacrificium  
 peracturus ad Hostiæ oblationem  
 throno suo descendat, & ad Aram us-  
 que ad *Agnus Dei* &c. consistat, tum  
 vero solum repetat, & sedendo preces  
 S. Com  
 Hij

Sæc. XVIII.  
A. C. 1730.

S. Communioni præmittat, & Sacram  
Hostiam, quæ cum ex Altari defer-  
tur, flexis genibus recipiat, in duas  
partes dividat, earumque unam ipse  
absumat, & alteram Cardinali Diacono  
absumentam tradat; parique ritu au-  
rea fistula sacratissimum sanguinem hau-  
riat, & calicem Diacono, qui reliquas  
sacri Sanguinis guttas absorbet, ad  
Aram deferendum restituat. Hic ritus  
suo fors mysterio haud caret, nec tamen  
a quorundam cavillatione immunis  
est, & quamdam ostentationis speciem  
redolere videtur, eo minus in Augu-  
stissimo hoc Sacramento adhibendus,  
in quo in conspectu Dei, qui pro om-  
nium salute in Sacrificium offertur,  
quilibet etiam summæ dignitatis homo  
merum nihilum est: id saltem de se  
existimasse videtur Benedictus, qui  
salva hujus ritus integritate, Deum  
profundissima, qua posset, humilitate  
adorare voluit.

Par ei erat reverentia & liberalitas  
in Res sacras, Deique cultum; plures  
enim præsertim Ecclesias aut e funda-  
mentis erexit, aut magnifice exornavit,  
aut liberalissime dotavit; alia vero  
quamplurima sacræ hujus munificentia  
specimina jam antea retulimus. Super-  
est, ut de ceteris hujus Papæ geitis  
memoremus ea, quæ immotum ejus  
Hij. Eccles. Trm. LXXIII. R Ilu-

Sæc. XVIII.

A. C. 1730.

studium in restauranda Ecclesiæ disciplina manifestant: nam præter superbissimas leges, quas in Synodo Romana, suisque Constitutionibus frequentissimas sancivit, insuper habitis ad populum sermonibus ferme quotidianis, explicatisque doctrinæ rudimentis, & vel maxime proprio sanctimonix exemplo formam se gregis demonstravit ex animo, Cleri præsertim Romani & Beneventani, in quo rite efformando totus erat. Vigebant præterea in Benedicto virtutes præsertim duæ Principum propriæ, Justitia & clementia: Communis erat omnium Pieter, qui nihil unquam vel privato affectui, vel opibus, aut gratiæ, totum vero meritis tribuit, ad æquam bilanciæ pauperum juxta ac divitum causas exigere solitus: Illud autem singulare, quod a Nepotum amore adeo alienus esset, ut quamvis horum quamplurimos haberet, nullos habuisse crederetur. Erat equidem in omnes munificus, & erga oppressos, miserosque humanus, Clericorum tamen & Sacerdotum delicta severe insectabatur, ac facinorosos ablato immunitatis Ecclesiasticæ abusu justa coercebat animadversione, quam tamen clementia tam mirifice temperabat, ut publico omnium judicio personæ amicus, & solus

ius criminis hostis diceretur, eoque nomine timorem pariter & amorem populi in se converteret. Nec ullo in loco Reipublicæ necessitatibus defuit, semperque intentum habuit animum, ut prudenti ditionis Ecclesiasticæ administrationi adlaboraret; eo fine annonæ pretium laxavit, & carnis vectigal, quo antea populus gravabatur, suppressit, & pro annona Urbana, & Re agraria bene gerenda saluberrimam edidit Constitutionem.

Sæc. XVIII.  
A. C. 1730.

Porro tam singulari eminuit modestia cultus domestici, vitæque temperantia, ut carnes esculentas, dapesque opimas quandoque oblatas constantissime recusaret, & crebris jejuniis macilentum, pallidumque corpus macerans, frugali admodum mensa uteretur; & si jusculum obsoniis mixtum fumeret, id furtim & eo non advertente, ab aliis apponi deberet, ut corpus viribus exhaustum parumper reficeretur: Tam alienus erat ab omni luxu, ut in victu vel famulatu intemperantiam & profusionem, aut subditiæ comæ usum etiam in Cardinalibus serio reprehenderet: cetera erat natura placidissimus, pacificus, morum comitate insignis, & ad obsequia quibuscunque præstanda promptissimus, adeo, ut non raro eidem in crimen verteretur,

R 2

tur,

**Sæc. XVIII.** tur, quod aliorum jura vel leviter vio-  
**A. C. 1730** lare veritus, Cæsaris aliorumque Prin-  
cipum postulata vota que sæpe non sine  
propriæ auctoritatis dispendio adim-  
plere certavit. Denique ad extremam  
usque vitæ suæ horam nunquam a la-  
boribus sibi temperavit, nihilque de  
pristino christianarum virtutum exerci-  
tio remisit, sed senex, gracilis, ægro-  
tus, viribusque attritus, nec a Medicis  
suisque Familiaribus persuaderi potuit  
ut saluti prospiceret suæ, aut a labore  
tantisper quiesceret, sæpe dicere solit-  
us, omnino oportere, ut artem, quam  
quisque profitetur, usque ad obitum  
impigre perficeret, decere etiam, ut  
Sacerdos stans ad Altare mortem op-  
peteret. Tantarum virtutum splendo-  
rem si levis quædam macula obfusca-  
bat, ea alia non erat, quam quæ na-  
tivæ animi sui indulgentiæ adscribenda  
est; cum enim nullius doli capax, &  
de suis quicquam mali suspicari, affue-  
tus non esset, nimis præclare de suis  
clientibus sentiebat, proin erga eos  
indulgentiorem, quam sæpe oportu-  
set, sese exhibebat: Nec id in Bene-  
dicto dissimulabat ejus Biographus,  
Marius Guarnacci, qui de eo hæc scri-  
psit: *Revera pius ille Pontifex inter Cri-  
nobii septa educatus, optimisque studiis im-  
butus, ut erat ad Episcopales curas* *Et ad*  
*gerenda*

gerendum supremum Apostolatam aptissimus, Sæc. XVIII.  
 ita e contra ad Magistratus obeundos, ad A. C. 1736.  
*Rempubliam capeſſendam minus videbatur*  
*idoneus. Tanta præterea pollebat morum*  
*innocentia, ut nec abditas negotiorum diffi-*  
*cultates valeret internoscere, nec Ministro-*  
*rum, præsertim vero suorum familiarium*  
*astus præcavere. Et tamen constanti in-*  
*genitæ justitiæ studio ad optima quæque*  
*agenda erudiebatur. Pontificium ararium*  
*minime imminutum fuit: Novo ære alieno*  
*Camera Apostolica non laboravit &c. Hæc*  
*ille, Cardinalis vero Quirinus in suis*  
*Commentariis Part. II. p. 277. glorissimi*  
*hujus Pontificis laudes hac epigraphæ*  
*complectitur: Urfinum nominare, virtu-*  
*tem ipsam laudare est, Urfinum pingere,*  
*virtutem ipsam delineare est.*

§. LVIII.

*Quidam Romani Præfules custodice*  
*dati.*

Hoc Pontifice ad tumulum delato Sa-  
 crum Purpuratorum Collegium de  
 more negotiorum administrationem in  
 se susceperat; ac præprimis Cardinalis  
 Corsinius functiones, quæ Fisci Romani  
 Curix Præsidi competunt obibat; ab-  
 sens enim tum erat Hannibal Cardina-  
 lis Albanus, quo tamen die vigesima  
 tertia Februarii Romam delato Cardi-  
 nales